

The Electronic *Manipulus florum*
www.manipulusflorum.com

Spes 1
cum fonte primo

Tu es, Domine, spes mea.
Quicquid agendum, quicquid declinandum,
quicquid tollerandum, quicquid optandum,
tu es, Domine, spes mea.
Hec una michi omnium promissionum causa,
hec tota ratio mee expectationis.
Pretendat alter meritum,
sustinere se iactet pondus diei et estus,
ieiunare bis in sabbato dicat,
postremo non esse sicut ceteri hominum gloriatur.
Michi autem adherere Deo bonum est,
ponere in Domino Deo spem meam.

Bernardus sermone XLVIII.

Haec autem dicta sunt, fratres, ut illius tam spiritualis responsi,
quod hodie nobis considerandum est, gratia commendetur:
Quoniam TU ES, DOMINE, SPES MEA.
Quidquid agendum sit, quidquid declinandum,
quidquid tolerandum, quidquid optandum,
TU ES, DOMINE, SPES MEA.
Haec una mihi omnium promissionum causa,
haec tota ratio meae expectationis.
Praetendat alter meritum,
sustinere se iactet pondus diei et aestus,
ieiunare bis in sabbato dicat,
postremo non esse sicut ceteros hominum gloriatur;
MIHI AUTEM ADHAERERE DEO BONUM EST,
PONERE IN DOMINO DEO SPEM MEAM.

Bernardus Claraeuallensis, *Sermones super Psalmum "Qui habitat"*, 9.5
(SBO 4, J. Leclercq, C.H. Talbot, H.M. Rochais eds., p.439, ll.1-8).